



09410

敬業堂詩集卷二十八

海寧查

慎行

餘

偷存集

起辛巳正月至四月

辛巳四月舟過吳門遇盜出都以後詩約五十餘首
首眩篋以去無一存者閒中記憶偶得十數章題

曰偷存集

題費而奇畫水仙月季花

水邊林下各幽姿春在梅花未吐時誰替天公管正月
一梢初點淡胭脂

題家聲山所藏趙子車修竹吾廬圖次卷中陳

眉公舊韻

敬業堂詩集卷二十八

一

猶記年時載酒尋故廬煙雨別來深誰云阮巷分南北
宛是吾家舊竹林

正月四日集朱悔人寓齋用郎左司鶯歸漢宮

柳花隱杜陵煙為韻分得歸字時余將出都

遊子不得意春風減容輝家家朱門開孤雲欲誰依

四句俱集前人詩無酒肯沽我累君典春衣我行興已闌君任

願亦違千薪壓白首刺天看羣飛苦竹歲不實鳳兮宜

忍饑素絲雖云長莫借鄰人機獨持耿耿意遲暮將安

歸昔別踰十年後會那可幾交情重末路毋使音書稀

上元夜白溝旅店遇王文子編修

獨客歸衰薄新年酒價增平沙千里月冷市幾家燈灑

近歡何極，寵狂老尚能。被君嗤好事，題壁記吾曾。今宵
入窗早去，日小鬢如我長。
徐五年前過此題壁詩也。

趙北口喜晴

渙渙水初釋，葱葱樹向榮。水浮雄縣動，沙過鄭州輕。
客飯魚蝦氣，村場鼓笛聲。鄉心兼節物，屈指急歸程。

景州城外

遙遙廣川城，望望十里塢。連日北風多，春冰開復合。

有以小車載鷓鴣者戲作

鷓鴣本在舟，忽作乘軒鶴。大似水鄉人，騎驢客京洛。
出山

穆陵春意動，農事正相催。屈曲山程盡，微茫野色來。牛

敬業堂詩集卷二十八

二

羊乘麥短，鵝鴨喜池開。消息逢人問，淮南正早梅。

河濱墳

河濱卿相墳，窀穸今幾世。雨中兩翁仲，對我若流涕。前
年水沒腰，去年水浮髻。淪胥眼中見，已作駸駸勢。我笑
謂石人，汝憂亦良細。淮揚百萬家，十室九沉瘞。可憐桓
司馬，欲以堅保脆。石槨三年成，寧非速朽計。

二月六日舟泊白田，喬無功介夫兄弟招同王
方若，飲縱棹園梅花下，用東坡雨中看牡丹韻。

各賦三首

我來大河北，青草四野無。淮岸初逢春，滿園蓓蕾珠。雨
氣入冰骨，煙光潤苔膚。池南有疎影，竹杖行更扶。

繞屋幾

平聲

百本出牆忽一枝一枝未全開餘寒尚相持

人情向花葉幽討及此時何當爛熳辰共賞桃杏姿

不到踰十年竹樹森然起主人漸頭白况乃吾與子

謂方

若對酒苦告歸斯言誠可鄙臨行還被肘勸我嗅花蕊

虎丘買草花

買笑談何易傾囊直為花憐渠兼客土伴我似浮家種
向吳兒乞歸從野老誇瓦盆茅屋底毋乃太奢華

出都時屬禹司賓之鼎作初白庵圖取東坡身

行萬里半天下僧卧一庵初白頭詩意也余自

已未出遊計道里所經視先生奚啻十倍今白

髮且滿頭矣所居園池之東有閒地數畝擬結

敬業堂詩集卷二十八

三

茅其上而資斧適乏不瀆於成軌題數語以堅

初志覽者勿笑道旁之築也

平生好遊不知止二十三年十萬里鴉飛不到

滇中
山各雁

飛迴中有勞人雙屐齒而今老矣合歸田又指茫茫兜

率天妄想難酬成佛願把茅聊縛定僧禪

蔣樹存招集繡谷交翠堂分得江咸二韻

初來客欲逃桃陽久住君堪比石淙繡谷好風鶯歷歷

綠陰微雨燕雙雙一軍騷雅尊前壘四壁溪山畫裏窗

芝草坊名吾久識不緣入座始心降

山堂昨日枉華絨

前一日令叔揚
孫書來留行

且緩歸程半日帆開

徑自來原屬蔣入林從此又交咸來如獨雁貪隨侶飲

似長鯨笑立監記取逃觴多謬誤淋漓酒汁在青衫

張日容匠門書屋落成索題句

五架三間八九楹重來已聽讀書聲開池疊石經營始

鬼運神輪指顧成杜甫堂新非背郭陸雲屋老只依兄

一庵未遂誅茅計大笑吾才不及卿余欲結初白庵至今未成

繡經集

起辛巳五月終壬午九月

妄念稍萌遂成障礙自我致寇於彼何尤從此洗

心皈釋典未必非天之全我晚境也戒之哉

陳補思聞余歸自吳中以詩見嘲次答二首

忽傳尺素到鰥魚對客開緘一笑餘道力未全宜有此

天花已散試何如綠林豈易求知已來詩云故知豪客今逾俗豈是詩名

敬業堂詩集卷二八

四

涉弗如白髮原應早結廬若問窮歸何事業尚逃小劫剩

殘書

老去真同半面魚見會稽志從教比目笑王餘左思云雙則比目片則王

餘長須赤脚差相稱法喜維摩總一如子敬偷存無故

物伯淮歸去有精廬繞籬添種平安竹又費東園問訊

書

讀楞嚴經二首

水土定浮沉大輪轉風火胚胎互融結大患緣有我螳

行欲右旋奈此磨盤左執持去成見所寓胡不可

塵根遞纏繞畢竟同生異如結既縮成是一要非二一

成仰方便六解當以次觀性證三空解脫亦如是

六月二十夜

幽室忽已夕有聲作雷鳴胡爲乎來哉熠燿方宵行象
年耿無寐夜氣延虛明林靜風不交天空月徐生聲光
同一寂夢覺胥忘情

德尹止一子初生時余名之曰阿願六歲而殤

三詩哭之

初生與發無窮願到此翻成有漏因汝伯爲誰開望眼
乃翁渾似哭成人誤投珠掌償前債妾冀金環認後身
四十九年羈旅恨東坡哭幹兒詩云吾年四十九
羈旅失幼子德尹今年五十矣喚回
殘夢倍傷神

翁歸端爲汝求師

德尹今春請假
將挈家北上

已是秋來上學期每

敬業堂詩集卷二十八

五

爲杜家誇驥子忽驚白老失龜兒愛河縱涸湏千劫苦
海難量爲一慈得似旁人強相勸不禁老淚亦交垂

吾生早受多男累得子中年未算遲一慟竟成千古痛

十年重續四殤詩

十年前連喪諸姪
余曾有四殤詩

孩提長養原非易

老大生存祇自悲借取劉郎詩作識一枝吹折又生枝

六月廿三夜大雨

風如車輪東北馳雨如車軸西南垂蛟龍尾焦海水立
虎豹股栗山林移二更小劫須臾過不礙先生高枕臥
一林竹影過牆東殘月如新剛半破

立秋日馬寒中素村見過

好友兼秋到新涼似病餘數莖添白髮一夢過紅蕖自

笑貧逾甚翻憐迹未疎盤餐論後約手自種園蔬

雨後獨行池上

誅茅斬竹杳無期廢圃頻來為此池我與鷺鷥同照影
白頭相對立多時

陳允文見過用余與補思唱和韻作詩相投次

答二首

剝啄聲中住木魚清風來值午茶餘客嘲竇戲聊相答

失馬亡弓只自如亡弓豈須求失馬不必涕秦少游東城被盜詩中句也梧葉打

醒庵主夢槐花踏過野人廬留君小作須臾住省得敲

門再寄書

去意難回縱壑魚獨留詩味付吟餘舟痕契劍癡何益

敬業堂詩集卷三十八

六

麈尾拈花笑弗如尚恐波瀾生古井肯容荆棘長神廬
口頭截斷君休問看取新抄貝葉書

窗前茶蘼秋後復發花

自從三月春歸後引蔓抽條漸出墻但愛秋來有花看
不知中已閱炎涼

促織

草樹荒庭合何來絡緯啼夜長時斷續風引忽東西故
傍殘燈急俄催片月低空機委墻角感物悼亡妻

德尹自妙果山避暑歸五疊魚字韻

十日齋厨聽粥魚歸來又續黑甜餘誰無痼疾難相笑
各有風流兩不如禮斗便應朝絳闕尋僧何必到匡廬

從今分辦晨昏課我讀楞嚴爾道書

余方留心內典而弟舉家持斗齋故

云云

病枕口占

小雨已過風颼颼老人卧病亦在樓長天又推月東出
大火欲掣河西流秋聲蕭蕭遠如許元氣浩浩當誰收
大千起滅了無際靜視此身同一漚

即事二首

俗吏讐言詩客文書惱病夫吾方入蓬藿爾自養萑苻憎
至非羣盜藏奸豈具區世情多叵測即事一長吁

萬古一碁局言平最不平獺窺魚穴靜鳩伺鵲巢成物
性論強弱天機近鬪爭但教風作質有觸自忘情

出楞嚴經

敬業堂詩集卷二十八

七

病後過竹垞先生齋

偶因風雨宿君家勸枕無眠到曉鴉起向曝書亭上坐
一池荷葉兩三花

東湖舟夜

夜好偏無月天空頓覺秋風兼雙鷺起水帶一螢流樹
氣船船露燈光寺寺樓十年曾載酒落魄笑重遊

喜竹垞先生至

荒村積雨餘秋水方沒埭蛩然足音至啓戶蓬蒿礙三
徑懶未除一牀涼可對先生本師事折節到儕輩我貧
家少書倒篋肯見貸蒙求不嫌噴過我仍捆載茅齋月
露清氣壓酒盞內高談如赴敵薄病遂巡退

同竹垞德尹過馬寒中山居

馬氏好兄弟卜居傍層崖青山滿墻頭羅列如髻釵杖
藜約朱老興到相與偕不辭步履遠及此秋光佳欸我
非俗情赴君有奇懷筮易得酒食遂以衍名齋寒中書
屋名衍
既飽還讀書桐陰落空堦人生貴稱意作計殊未乖

同遊菩提寺

路轉稻花村山田間腴确肩輿入古寺墻宇半坳剝林
高樵斧稀時有一鳥啄居僧不耐靜辛苦事詩學世界
無寂喧心源異清濁叩余笑不答待彼迷自覺何處一
聲鐘殘陽在樓角

補思再疊魚字韻見寄經秋乃到再次答二首

敬業堂詩集卷二十八

八

真成一往侶禽魚結習都消洗硯餘雅謔從人嘲孝本
繆恭無令重相如雪霜頭髯秋歌帽桃李心花夜照廬
好是兩鰓同癩病半年初答暢當書

投我三章比梵魚初機未契且留餘法門猛叩無方便
疑網重開有譬如萬劫黑風迴客夢一輪白月到吾廬
此中何句堪酬對翻怕匆匆索報書

立冬日小飲

枕囊秋夜長檐齒冬日短人生如病瘧寒暑遞流轉黃
葉墜空庭疾於丸下阪鏡中好顏色去我不少緩百念
委昨非一閒就今懶床頭酒新熟吾量殊易滿小飲即
頽然西窗有餘暖

吳船花燭詞為談未庵賦十首

蘇臺人說是瑤臺銀燭光中寶扇開便把重陽當七夕

分明昨夜渡河來

佳期在重九前一日

小住吳門又幾旬蓬萊清淺話前塵多憑一念回仙意
憐取當前背癢人

自從踏鼓罷朝天辜負香衾四五年萬頃煙波誰管領
只消一隻五湖船

紅槎碧落記程程博望歸來別有情

時未菴初自河工歸

畢竟有

星難替月鏡奩秋讓一輪明

兩槳如輪夾畫艫水沉風細不開窗鴛鴦湖外鴛鴦鳥

排到前溪盡作雙

敬業堂詩集卷二十八

九

洒墨含毫色色工玉臺唱和有人同風流白石真堪笑
但解吹簫伴小紅

取次園林放擢空兩頭絃管不教隨費他幾管生花筆
曉畫蛾眉夜和詩

不用攜家傍斗邊頻伽好語自能傳齊眉新注長生籍
知是蓬萊最小仙

曾趨粉署殿東廂雞舌猶餘舊賜香好唱新翻新樂府
賀新涼是賀新郎

消磨綺語已多年色界重生兜率天借取薰衣香一瓣
懺余成佛爾成仙

題永福寺詩僧得川詩卷

蜜殊不作參寥沒湖上詩僧久寂寥頗訝名山虛法器
忽傳逸韻繼江潮招呼猿鶴隨孤磬收拾煙霞貯一瓢
倘許往來成二老借余閒地結團焦

得川疊前韻從余問詩法戲答之

唐音宋派何須問大抵詩情在寂寥細比老蠶初引緒
健如強弩突迴潮間來謹候爐中火衆裏心防水面歌
不過知音彈不得吾琴經鬩尾全焦

次韻題施翼聖東荒田舍圖

宛轉溪橋有徑通竹梧新長屋邊叢市聲只在牛羊外
吹散薈洲一籜風

壬戌秋自黔中歸張遠子游爲作槐陰抱膝圖

敬業堂詩集卷二十八

十

辛巳冬至夜偶一展閱感歎之餘自作二絕句

附諸君題詠後

夢中惘恍豈無夢身外依稀別有身道是故吾吾不識
那將顏狀問他人

二十年來共唱酬詩名曾向卷中收故交大半已黃土
剩爾人間作白頭

題朱楫師所藏顧咸三畫羅浮五色蝶二首

山中木葉尋常化野老籬邊作伴遊驚見畫圖新樣好
夜來高枕夢羅浮

問渠多有幾銖輕栩栩能傳紙上聲好笑虎頭癡獨絕
欲將蛺蝶占時名

德尹久留杭州有卜居西溪之意歸來以詩索
和次韻二首

野外橋邊水竹村不曾移徑改籬門一冬雪少疎梅綻
百里人歸喜鵲喧耕織終當課奴婢田園豈易委兒孫
卜居河渚原先志重與殘年對榻論

三間老屋住東頭怪底仍如不繫舟但使年豐還俗儉
何妨弟勸且兄酬窮奢志願求偕隱勇退風期望急流
待得手栽黎棗熟他時相對且忘憂

寒中次前韻見寄再答二首

煙火依依十里村也如對宇望衡門桑榆候暖差宜晚
鷄犬聲凡亦覺喧萬事爲農長沒世一經失計又傳孫

敬業堂詩集卷三十八

十一

空花眼界原無定此境須從靜者論

門開甘露此峰頭夜半誰能負壑舟忍鎧力持俄破戒
箭鋒機鈍已難酬鴻濛世界憐搏土香象江湖要絕流
肯與維摩同丈室本來無疾更何憂

寒中久不作詩忽
爲余兄弟觸發次

章訊余從事內典
故仍用禪語爲答

馬素村疊魚字韻見寄八疊前韻

拙於鳩更懶於魚百念俱灰白髮餘已覺浮名原假設
未知禪味究何如隙窺野馬紛無主粉蝕爪牛累有廬
炳燭光陰君錯料只圖遮眼不看書

再疊卜居韻答素村二首

我愛郎家半日村碧池一眼正當門魚龍得氣時方蟄

鵝鴨如雲凍不喧三徑居鄰惟二仲兩家婚媾到諸孫
棧羊篩酒何年事五岳遊須次第論

造化茫茫命壓頭諾星何處證般舟一身有母尤應惜
四大無恩可要酬叔寶神情非俗士孝章才氣本名流
村場酒賤須勤置相勸休為織室憂

來詩有不自釋者故以此廣之

十二月十六日雪同德尹作

野濶朝煙未起廚一行老樹帶鴉枯海天勢合山加峭
水墨痕消畫亦無醉拍松筠誇我健戲搏獅象駭兒愚
何當便作堅牢玉長與先生暎白須

歲杪有感三疊卜居韻示德尹二首

西枝覓地豈無村栗里歸來尚有門巢鵲占風聊自穩

敬業堂詩集卷二十八

三

山蜂割蜜為誰喧賣薪分老朱翁子負土深慙祭弟孫
此意旁人應不諒家貧何事敢輕論

一回相對一回頭往事真難記刻舟勘破官情成汝懶
放低詩格待余酬煖憑爐火迴陽氣靜送水溪過狀流
白髮蒼顏還自笑年來方欲治幽憂

十疊前韻答寒中二首

勿將磊落笑蟲魚冰雪崢嶸又歲餘彈罷孤絃聲寂若
鑷殘衰髻影皤如小槽酒滴鄰姬甕古篆香消佛子廬
漸覺心平無怪事不勞咄咄向空書

曾思大海掣鯨魚牙後誰甘拾唾餘蕭索輪囷吾若此
飛揚跋扈爾何如孤燈吐燄虹搜僻萬木無聲雪壓廬

最後兩篇尤奪氣免冠應謝不中書

早春謁座王清溪徐公席上賦呈

以下壬午

開遍梅花薄雪餘春來重擬昇藍輿十年風月吟難盡
師自甲戌春歸林下將十年矣百里溪山畫不如慧業種將成佛後精
神強似挂冠初一莊荒後無他宅天護先生萬卷書
南

草堂去冬被火故云

不到西湖四年矣壬午春分前三日與鄭春薦

同遊感賦

多年不赴故人期湖上風光異往時紅杏橋欄遊冶騎
綠楊亭檻 御書碑劉郎前度花誰主杜牧三生髻已

絲口業粗償殘債盡尚煩君記擢歌詞
已卯二月曾作西湖棹歌詞十

敬業堂詩集卷二十八

十三

二首已夫其藁春薦頗猶記憶也

贈楊遠卿年伯二首

麈尾犀株借美談直從公府指潭潭將軍大樹移關右
太守名花載日南長見 恩光留卓午最宜風景是春
三多緣難穩東山卧五馬行看益兩驂

茱萸灣口蜀岡南勝事年來一倍添九曲晴波春縱棹
二分明月夜鈎簾門前祭戟連昆友膝下才名起孝廉
漫說黃金曾鑄印世家原自重牙籤

謂同年

立夏日同年顧書宣招陪座王徐公泛舟紅橋

歸憇天寧精舍看牡丹座王有詩恭次原韻

濛濛柳絮風淡淡櫻桃雨孤城迤邐盡一水沿洄渡此

都洵繁華里俗鄙淳素橋迴彩鷁轉石亞朱欄互何期
寂莫遊復此陪杖屨時來感節物境往餘詩句不到今
九年甲戌初夏隨公南歸曾過此依稀記前路家家好亭館恨不留

春住有如別故人臨去屢回顧勿嗟春向晚千載猶晨
暮獨喜松栢姿恍然仙者遇先生近於仙術有得耆英舊同社雲

散星布濩興發偶重來神清獨如故濤江不能限塵土
詎能污佳景際清和名花賞修嫖將車弟子職繞膝孫

曾趣時任可父子俱隨侍叩道發羣蒙會心歸一悟哂劉藉糟粕

卑庾工詞賦白日為公長蒼顏為公駐願從千日醉媿
托十年樹

兒建新任束鹿縣令將挈諸孫赴署先寄詩二

敬業堂詩集卷二十八

十四

首

得邑滹沱上孤城深晉間初聞猶恐誤相慰始開顏汝
性差宜僻吾來亦愛閒畿南風土好不礙少溪山

隱德凡三世微名爾倖成家聲關不細民社寄非輕廉
豈沽名具卑宜近物情譬如行萬里安穩視初程

中元後三日渡河題王家營旅館

潦退河壩與岼平舊題詩半欹傾北袞莫笑今年蚤
頭白羞偕計吏行

舟過寶應喬無功以家釀見餉今日旅舍悶坐

聞楊次也在清江浦欲邀與共飲而為風雨所

阻

故人貽我喬家白，欲喚楊郎共醉眠。生被大河橫截斷，
兩昏風惡渡無船。

客舍喜晴

茅舍欣初霽，征途悶久淹。河聲秋易壯，日氣午仍炎。異
俗全家駭，空囊十口嫌。兒孫頻問事，繞膝挽吟髯。

觀无忌與祖騎驢戲作短歌

兒童生長便舟居，眼中不辨騾與驢。牽來信口以馬呼，
上下左右須人扶。一日馱駭防不虞，兩日妥帖稍自如。
三日脫轡膽氣麓，趨捷意將誇老夫。老夫年當三十餘，
從軍遠走西南隅。露青竹鞭生馬駒，徑渡鳥道如莊衢。
豈知今來哀病俱，髀肉消盡腎無膚。前瞻後顧悔識塗，
曷不歸去勤耕鉏。看牛舐犢雞哺雛，平生不識馬新息。
據鞍矍鑠何其愚。

重興集題壁

昨去因逃水，今來未算家。巢林無定燕，啄地有饑鴉。風
折青蒲葉，籬高紫萸花。涪蹄如可活，猶聚兩三蛙。

峒岵田家

雷鳴田種占城稻，田無水利者為雷鳴田見樂城集不
占城旱稻不資水而生見宋史
信人間有水荒。見說今年猶苦潦，可憐井底是淮揚。

秋山曉行

忽從山麓上山椒，忽轉山腰路一條。露草燈明雞喔喔，
風林月黑馬蕭蕭。行人曉起偏多伴，古渡秋來未有橋。

正是新涼好天氣喜逢霽色又連朝

汶河大石橋六月為大水所壞亂流鞭馬而渡
怒水衝橋斷崩沙壅石平亂流風勢急到岍馬蹄輕直
怕秋多雨偏宜晚放晴路難頻却顧盡室歎長征

晚至堵莊

淺草依頑石纍纍似伏羶羣兒啞癭俗久客解方言犢
放斜陽岍鴉盤早穫村趁虛人散盡冷落近黃昏

磨驢行

山家養驢供磨麥石縫隨身落輕雪前遮兩目後被鞭
步步團團踏陳迹

用東坡詩中語

君不見雕鞍玉勒紫金羈暮
越朝燕掣電馳八百里牛千里駿等為人役莫相疑

敬業堂詩集卷二十八

六

旅辭見錢亮功徐學人唱和詩戲次其韻

年來漸喜識生涯讀罷楞嚴讀法華共道子綦初喪偶
豈知靈運久忘家行依古佛賢于劫笑閱人情鬼一車
寄謝杏林雙燕子維摩別自有天花

蒙陰縣南十五里早飯豆花棚下

荒溪曲折凡三渡草屋欹斜只半間不負一餐留客坐
豆花棚下看蒙山

黃河厓大水斷路由董樹口晚投苦水舖

黃河故道久揚塵驚見狂瀾限禹津已是泥塗又陰雨
載濡馬首况車輪野航待渡如須友村落初經屢問人
可但平原成畏路此來何處不逡巡

初入東鹿境

衡水橋邊路西來小邑偏人家多瓦屋沙陸少閒田露
白收棉後秋紅支棗天鄰封紛水旱容易得豐年

八月十五日鹿城對月偶閱樂城集有中秋次
韻子瞻夜字韻二詩即次其韻一示兒建一寄

德尹潤木信庵諸弟

陸川城中連日雨草橋霽色空今夜滹沱南徙故道存
疑有蛟龍伏潭下

城南草橋之下滹水成潭相傳爲滹沱故道

水面團團月

東吐城頭灑灑河西瀉空庭置酒荇藻間古栢高槐互
相亞廿年塵全今已絕此夕清涼天所借吏曹初散不
聞呼好客能來何用謝人言僻縣少公事我愛閒居似

敬業堂詩集卷二八

七

村舍不教僮僕課雞豚聊與兒孫給黎蔗一杯對飲要
無愧九折驅車終可怕平生慣被醉尉嗔但恨未逢劉
四罵

曾聞海賈海上言萬里陰晴同此夜可憐南北各相望
片月東升日西下少年狂飲不論命欲卷黃河向身瀉
今來滿盞輒不勝甘讓人豪退居亞感時紀物行自歎
裘敝囊空復誰借忽見關榆葉互凋懸知庭桂花應謝
清光過眼如流汞故國回頭真傳舍豈無白酒配黃雞
苦憶紅菱兼紫蔗壯年離別初不覺此日羈遲老尤怕
何當歸作玩世翁肯以文章供怒罵

習射吟

朔野秋早寒枯楊北風橫朝來見獵喜欲試角弓硬分
棚無舊侶努力行復更稍辨良窳材粗諳燥濕性兒童
視遊戲君子規德行嚆矢壯先聲雕翎鼓後勁持盈詎
非力入穀終有命一勝何足矜相形乃知病從禽遇多
詭反已鵠必正技小道亦存年衰心少競聊為習射吟
庶比良友諍

重陽日一畝園登高同德尹作

一笑相從亦偶然勞生誰料再遊燕黃花濁酒憐佳節
老樹空庭感昔年對榻翻牽連夜夢登高獨欠故山緣
只應鴻雁如兄弟不忍分飛便各天

敬業堂詩集卷二十九

海寧查慎行 悔餘

赴召集

起壬午十月
終癸未五月

赴召紀 恩詩 并序

欽惟我 皇上聖德神功遠邁千古薄海內外含
生戴性之倫無一民不被仁恩無一物不沾麗澤
巍巍蕩蕩謳頌難名屬者黃河底績 鑿輅南巡
警蹕無聞輕裘減從負載不遷夫市肆畊犂不輟
乎農郊回陽春於青霜白雪之辰駐宿衛於葑屋
茅簷之下無非勤求邳理念切民依 臣東海鰥生
偶客畿輔竊聞 駕泣德州方與田夫野老抃舞

敬業堂詩集卷二十九

一

歡欣共効昇平之頌乃今十月十七日直隸巡撫

臣李光地傳

旨召

臣

趨赴行在

臣

即於

臣

子克

建束鹿縣署中星馳就道匍伏宮門伏念 臣齟齬

失學壯歲居貧年逾四十始舉於鄉三上禮闈未

成一第自惟賦命蹇鈍寸進無階幸逢 堯舜之

君自甘畎畝之樂不知微賤姓名何由上達聞

命之下慙慙徊徨罔知所措敬賦紀 恩詩二章

恭呈

御覽可勝惶悚之至

聖謨平土奏安瀾

詔舉時巡萬國歡桐鼓無聲傳過

輦場功初畢候鳴鑾

恩波先沛三春雨瑞雪都忘十

月寒微賤不知天上事謳歌遙向彩雲端

睿藻紛繽布九垓麗天雲漢竝昭回是日頒賜山東大小臣僚御書數
幅觀光豈獨臣鄰喜就日爭隨父老來作息自安歌帝
力旁求何幸及凡材祗應 聖主同元化雨露沾濡到
草萊

二十日 召赴行宮 欽賜御書程子視箴一

幅恭紀十六韻

警蹕除黃道周廬列紫垣勤民同舜禹邁德媿義軒戶
戶安淳俗人人覲 至尊萬幾多暇豫八法自騰騫龍
鳳爭跳蕩虹霓互吐吞祥光昭法象健體協乾元揮霍
風雲勢涵濡雨露痕堯文紛煥采交畫久窮源徧渥奎
章賜仍傳 詔旨溫頒來皆琬琰捧出盡瑤琨下逮慙

敬業堂詩集卷二十九

二

孤梗殊榮荷 九闈瞻天初見日學古莫窺藩箴守儒
家說書驚 御筆援祗承雖往訓敬凜即 王言拜舞
隨寮案珍藏示子孫傳家何以報世世頌 君恩

二十八日 召試南書房自此奉旨每日入直

屢下南宮第俄聞秘閣開一經雖舊習六論本非材宋時
秘閣試六論 不敢他途進終慙 特召來平生無夢想今日

到蓬萊

與揆愷功學士同試南書房感舊成句

天上青雲客人間白雪翁交新 雙闕下話舊十年中

詩讓揮豪速文慙起草工宋時秘閣試論至蘇子瞻始起草 薦賢名偶

玷慙愧躡追風是日召試十二人 欽定愷功第一余第二

南書房敬觀 宸翰恭紀

有序

康熙四十一年十一月初八日 上御乾清宮發

御書一千四百二十七幅命大學士臣張玉書

吏部尚書臣陳廷敬工部尚書臣王鴻緒副都御

史臣勵杜訥右諭德臣查昇展閱分類以備 頒

賜臣慎行亦得隨諸臣後仰瞻 天日之光洵有

生之奇遇人世所罕觀者也欽惟我 皇上天亶

聖姿日新盛德法乾行之健殫 聖學之勤業懋

功純光華炳耀深宮無逸游藝入神自真書以及

行草由小楷以至擘窠或臨倣諸家或親書 聖

製有美畢萃無體不兼此雖古來專工八法終身

敬業堂詩集卷二十九

三

矻矻自名一家未有如是之多而且精者而臣於

拜觀 宸翰之下仰見我 皇上神功聖德冠絕

千古者更有蠡測焉伏讀 御製北征凱旋諸詩

廟謨獨斷勝算萬全首惡伏辜餘寬祝網闢版圖

未闢之地臣史策未臣之邦我 皇上宏猷偉畧

冠絕千古者其一也伏讀 御製巡視河工省方

問俗諸詩莫九有以救寧恐匹夫之不獲萬姓已

共安於耕鑿 一人恒自處於先勞遂致湖海安

流黃淮底績我 皇上仁民阜物冠絕千古者又

其一也伏觀 御書大學聖經一章旁至往詰先

賢格言銘序抉其精微摘其奧義采諸儒之懿訓

成昭代之典謨獨於程朱二子則不書其名我

皇上崇儒重道冠絕千古者又其一也伏觀 御

書於晉魏六朝以逮唐宋元明諸臣名蹟無不手

撫心賞要皆棄所短而取所長集古今之大成爲

帝書之第一而紙尾必署云臨某某書我 皇上

聖不自聖冠絕千古者又其一也臣一介微賤遭

逢盛事千載一時舞蹈謳吟自不能已譬諸秋蟲

春鳥生覆載之內亦知鳴天地之恩恭賦七言絕

句十二章以紀榮遇謹拜手稽首以獻

玉檢初開五色煙淋漓元氣滿中天 宵衣旰食無多

暇更酒雲藍十萬錢

敬業堂詩集卷二十九

四

咫尺丹霞映玉清酥稜日射八窗明忽聞風雨來天半

知是 君王落筆聲

一畫真成萬世師捧來千幅更神奇銀河直與 宸居

接無數蛟龍起墨池

金薤銀鉤結構新看入聖又超神卽論藻采輝煌色

萬古羣推第一人

銚合珠連琬琰垂蠡應難測管難窺欲知伐叛安民畧

看取親書 御製詩

遠自鍾王溯褚虞百家一一手臨撫兼長迥出專家上

要令諸臣奉楷模

霞蔚雲蒸露未乾盡收造化入毫端萬鈞腕力皆天授

欲補虞戈一筆難

良工巧匠日礪磨 淵鑒新鐫勝永和 不似當年淳化閣帝王法帖本無多

朝退香煙護 紫宸御床綳帙展 佳辰綠雲新斲松花硯 特撤文房賜老臣

書訣原從王敬來 數行 御札日星開 可知筆正由心 正入直多聆 聖訓回

鳳翥鸞翔勢莫攀 皇恩次第及千官 九重日月無私照 有目皆容仰面看

禁庭纔到便沾榮 深愧無才答 聖明強作蕪詞比 諛 諂 堯文魏煥本難名

敬業堂詩集卷二十九

五

冬雪十二韻

朔候連三白 同雲匝萬家 縱橫迷地軸 灑汗極天涯 樓閣高逾見 簾櫳薄易遮 漸從疎處密 忽向整時斜 老柳飛揚絮 枯梅頃刻花 氣沉千里雁 寒噤幾村鴉 暗掃遺蝗種 潛滋宿麥芽 逢年先應瑞 是玉必無瑕 積厚光搖海 平鋪勢展沙 歲功資醞釀 春事踵繁華 灞上吟情遠 山陰客棹賒 意中餘好景 留作畫圖誇

為泗州李蒼存題秋穫圖二首

築屋不羨蕭貫之 種松莫學杜子師 西風吹熟半黃稻 又是牛健鴉嬌時

淮南第一山邊住 泗州南山米芾以 為淮山第一山 渦口十年長苦饑

家書昨日報秋獲勸爾有田胡不歸

奉題大司寇新城公荷耒圖

君臣際會唐與虞文章政事誰不如東家司寇魯大儒
品望獨與經術俱晝日三接籠賚殊城南甲第輝御

書帶經堂顏公手摹復以繪畫煩鴻臚

禹之

眼前浩蕩

生江湖歸夢曉落扶桑隅齊州九點青糶糊万木陰陰
猿鳥呼春山欲雨雲作膚風帆亂走隨鷗鳧村深舛轉
帶渚蒲綠楊如煙際平蕪中有一翁行荷耒我公豈是
山澤臞神仙標蒼眉須朝衫野服兩弗拘良田二頃
宅一區人生此境何可無虞廷當時少此圖盛事缺載
臯陶謨

敬業堂詩集卷二十九

六

蠶尾山圖再爲新城先生賦三首

依然小泊洞庭旁公自扁舟興不忘試向東山看月出
繞身三十里湖光

勿論石室與金庭畫裏迴源別有亭七十二峯遮不斷

別添蠶尾一痕青

曾見趙松雪蜡華秋色圖
蠶尾一峯青出羣山之外

千秋讌籍記東平天寶詩人舊有名從此人間長見畫
故鄉山水屬先生

送楊旣明倅廬州兼寄張建陽太守

薊北水霜動早梅淮南驛騎已先催春帆路轉藏舟浦
堠館花迎教弩臺名郡風流輸半刺世家子弟羨多才
桑枝麥穗君游政何術能資佐理來

擬玉泉山大閱二十韻

地闢丹稜泐天開裂帛湖連岡環北極列曜拱中區鞞
譚銷氛氣風雲蓄 睿謨不忘神武畧獨握帝王符吉
日將差馬先期已祭龜桓桓齊步伐肅肅選車徒野曠
金鉦轉沙平玉帳鋪 一人躬韎韜九校勇馳驅鵝鶻
知兵法龍蛇入陣圖雪光明組練寒律勁雕弧憶昨三
犁候 親征萬里逾行間走英衛麾下拔孫吳撻伐聲
靈在韜鈴將相俱詩人賡虎拜士氣動山呼振旅時方
暇回 鑿日未晡殊威宣逸士同軌坦經涂典禮因時
舉櫓槍掃跡無武功雖再纘文德久覃敷用過昭無外
周防戒不虞煌煌太平業磐石鞏 皇都

敬業堂詩集卷二十九

七

盆中二咏吳元朗齋分賦

一尺筲簷種低抽碧玉簪近人差免俗待汝幾成林不
少交加翠終輸瑣碎金若為鞭橫逸移向小庭陰
細竹
不隨千樹暗東坡梅花詩江頭千樹春欲暗只似一枝斜愛入詩人閣
難忘處士家帶苔移客土傍火發唐花就我生春色依
依感歲華早梅

賦得歲寒堅後凋

十二月十五日

御試入直

體

詞臣奉

旨同作

不用應制

物性終難改天行歲有常平時滋雨露晚節煉冰霜鶴
骨清添勁龍鱗老變剛鬱葱生意在寒律總春陽

集汪東川祭酒齋賦得風潮泊島濱即次祭酒

原韻

淼淼停征擢茫茫失遠汀雲隨風脚黑天偪浪頭青巖石驚難定影沙駭未經直疑蜃氣化孤島似浮萍

奉和 聖製咏雁恭次原韻 立春後一日

不戀江湖濶仍為北嚮鴻羽毛知自愛一一待春風

恭和 御製為考試歎原韻 十二月二十三日 考試各省學臣奉

同作 古

聖主嚴科詔 御製詩為科場作 深期積習更憐才程玉律警俗

發鐘聲既往應知悔將來勿任情欽哉奉 明命勉矣

立修名

早春喜雪 二十六日應皇太子令

敬業堂詩集卷二九

八

同雲迴合曙光中恰喜占年兆歲豐三白連縣饑殘臘

六花翔舞向東風暝空有色高逾見到地無痕暖漸融

好借渡江梅柳意亟裁詩句報春工

彤庭雪霽 二十七日應皇太子令

瞳瞳霽色啓黃扉瑞靄遙生旭日暉白玉堦墀增皎潔

丹霄臺殿倍光輝融成雨露滋仙境化作陽和滿 帝

畿共喜太平真有象宮梅苑柳漸芳菲

雪後與楊端木編修步入後左門

淨洗東華十丈塵曉來聯袂向 楓宸誰憐舊日聞鷄

伴又作殘年踏鼓人

除夕前一日晚出東華門口占示錢亮功

未許騎官馬誰能借蹇驢人憐三黜後自歎二毛初
曉入蛩兼驅昏歸步當車崢嶸冰雪裏草草歲將除

京師與德尹守歲用少陵飛騰暮景斜句為韻
各賦古詩五首

勞薪無停輪弱羽宜退飛與子各衰晚初心尚依依
川流日夜東造化一逝機去者既不返來者終安歸
百年幾寒暑一夕毋相違

庭除帶積雪門巷餘殘冰雪後冰尚堅寒光互稜層
照我頭上髮射我窗上燈我醉兩不知流光兀騰騰
桑榆有餘暖忍凍非汝能

寥寥夜向晨冉冉歲云莫豈無一樽酒惜此佳節度
雕

敬業堂詩集卷二十九

九

盤飮肥烹彼嗜非余慕斲罍貯旨蓄義取咄嗟具
天明有朝叅飽啖黃蘗去

壯歲輕別離東西浪驅騁迴思疇昔事過眼須臾
景

明詔歛見徵浮蹤合萍梗半生參與商此夕形隨
影再拜感君恩官似居鄉井

兒孫在畿縣兄弟居京華計里五百餘相望如袞
斜一門盡旅食老境終思家此時山中梅苔枝應已
花吾方作歸夢街鼓幸緩擗

癸未元日 乾清宮早朝

三陽景運翊佳辰紫極傳來詔旨新雙闕倚天晴
帶雪千門銜日曉除塵金爐香引朝元路銀燭光分
待漏

桑乍聞鈞天動九奏縹緲散入爐煙香始終條理何暇
晰但覺盈耳聲洋洋歸來恂恂疑夢寐曾辟一夜聆鏗
鏘明朝 詔許觀古器始信大樂非絲篁編鐘編磬列
篋簾楹鼓田鼓齊輝煌旌麾竒綵繪螭虎簫管逸韻含
鸞鳳塤箎祝敵狀各異据圖考證殊難詳天生耳目不
虛聳 帝錫聞見開聾盲虞廷當日傳搏拊鳥獸應節
猶低昂幸逢昌期邀異數及與百爾偕趨蹌歡心不覺
同率舞拜手敢謂希賡颺矢詩遂歌記盛事 萬年願
奉南山觴

恩賜砥石山綠硯恭紀十韻

扁石登 廊廟良工費網羅出應逢 盛際名始著岩

敬業堂詩集卷二十九

十一

阿養璞埋雲霧呈材仰琢磨潤流花上露青刷雨中荷
眉子殊難匹陶泓詎足多祇宜供 玉案敢望 賜鑿

坡染翰 恩長被含毫分已過拜嘉誠異數榮捧竝詞

科彩筆濡雙管諭糜試一螺便應焚舊硯涓滴浥餘波

初四日雪中隨 駕赴西苑夜宿自怡園賦呈

揆愷功院長二首

出城三十里飛鞚不曾停萬樹忽凝素一峯猶翠屏渡
橋欄宛轉漱石水清泠共識 皇情豫新畬二麥青

獵獵風欹帽颺颺雪點衣林塘迷野徑燈火候郊扉東

閣新詩好梁園舊客非 白頭憐我在至性似君

稀

調西江
東江

雪後與聲山紫滄同直 暢春園二首

西山帶雪高寒光際青天晨曦照積素萬木中含煙手
把右丞詩羣峰當我前幸無塵事擾兼以忘新年

宛宛紫界墻苑門開向東直廬在小東門內 官然深山意近在
十步中林鳥已春聲細泉生遠風澄懷適有會咏嘯何

必同

上元前三日自怡園觀燈上相國兼呈院長二

首

碧香新試上元筩 詔許名園續舊遊下直一行同繫
馬入門幾步便移舟 宮中詩句元才子天下神仙李
鄴侯兩世 恩光皆眼見得陪賓從也風流

敬業堂詩集卷二十九

十一

二分明月一分燈引入仙山第幾層洞口煙霞濃似染
雪邊亭榭暖如蒸林疎竹密參差見逕轉廊迴取次登
却向江湖回白首十年重到夢何曾自癸酉以後不到十年矣

連日賜 御饌恭紀

不識 天厨味頗驚出大官調和從翠釜珍重對金盤
腹儉捫應愧 恩深報漸難翻防饑朔笑待詔得加餐
十四十五夜 召入西苑賜觀煙火恭紀七言

絕句八首

閣道中分十里墻西山西繞 御園長夕陽消盡千峯
雪別吐紅雲捧 玉皇
不夜城邊宛轉通廣場千步望玲瓏欲知九曲黃河勢

只在仙人一掌中

宮鴉飛盡暮天青百萬燈如百萬星併作晶瑩光一片
忽從銀海湧松亭

火齊珊瑚竝陸離山光林影互參差靜無人語來天上
微覺風搖五綵旗

布置高低儼列壙朦朧初被白雲封流星一綫飛空去

匝地漫天盡燭龍

孟浩然詩門觀燈詩蕭門着火樹疑是燭龍然

百道金蛇閃苑城湏臾萬鼓助砰鞞誤疑雷電前山起
勤政樓頭月正明

綵棚高架起鰲山銀燭光騰霄漢間寧壽宮中扶輦出
太平 天子奉 慈顏

敬業堂壽集卷二十九

十三

虬箭聲遲玉漏中年年行樂與民同詞臣好紀昇平事
簫鼓連宵報歲豐

恭祝 萬壽詩十二章 有序

竊聞純禧永錫篤生有道聖人景命長新弘啓無
疆曆服詩歌嘉樂先推之保佑天申書衍疇圖必
極諸康寧壽考既誕膺夫繁祉自久享夫歷年欽
惟 皇上體天行健如日之升質文持五運之中
道法冠百王之上嘉祥咸萃統元會而保合太和

尊號弗居屏顯榮而敦崇實政推虞帝協中之
化欽恤何啻再三師夏王補助之仁蠲賑動盈千
萬澤流漳溢則畿輔安瀾功莫淮黃則東南底績

舉曠典於時巡時邁播鴻慈於養老養賢凡茲德
意之覃敷悉本精神之強固歲惟協洽日在降婁
欣逢 聖壽之期適符大衍之數於時和風翔洽
化日舒長騎竹兒童識 天顏於過輦扶鳩白叟
瞻佳氣於 回鑾由勳舊以逮懿親自文臣以及
武衛獻三多之祝稱 萬歲之觴莫不慶溢山呼
歡騰虎拜臣慎行草莽陋質僻左孤踪遭遇 聖
明召依禁近臣之蒙 恩拔擢視多士爲獨優臣
之感 德頌颺較羣工爲倍切用敢不辭媿鄙敬
托謳吟葵知向日冀俯鑒夫寸心莫幸生階思仰
酬夫大造云爾

敬業堂詩集卷二九

古

瑞靄凝

丹陛祥煙擁

紫宸

萬年三月節四海一

家春禮樂調元化謳歌屬

聖人敷天多望幸特爲舉

時巡

其一

睿慮周遐邇

皇猷冠古今堯階三尺土舜樂五絃琴

德自重熙洽

恩沾壽考深萬方均樂育帝謂本無心

其二

見說山東叟欣觀德化成蠲租憐歲儉賜粟惠春畊不

息

夫行健無私

帝好生活人餘百萬軫郵荷

皇

情

其三

翠岫三千丈崔巍上岱宗金泥除漢策玉檢陋秦封旗

拂天門樹雲開日觀峰仙山留五老擁蓋候

飛龍

其四

鑾輿親閱視河水正平隄西受清淮弱東趨滄海低一條鋪練帶千里亘虹霓永紀隨刊績朝宗萬國齊

其五

川岳懷柔日乾坤奠麗中安流歸 聖算平土奏神功

桑柘連村遠來牟入望同不教傳 警蹕到處聽呼嵩

其六

一覽江天濶長流 聖澤深晴霞開海面墀火照波心

御墨蛟龍勢仙韶鸞鶴音扶桑占喜氣來往快登臨

其七

春水江南路 巡遊紀昔年觀風來海嶠問俗上吳船

淳朴安畊鑿繁華輟管絃 天顏知有喜康阜勝從前

其八

千頃頗黎色重爲 明聖開 宸章懸日月 睿藻煥

敬業堂壽集卷二十九

十五

亭臺桃李乘時放煙波拂權來湖山真有幸直作小蓬

萊

其九

秦淮民望切歸路又重經二水春流碧三山爽氣青香

煙迎不斷 翠輦過還停愛戴心如一爭看 萬壽屏

其十

宵旰勤三事清廉勉六曹與民同後樂爲政必先勞

優詔辭尊號

回鑿沛雨膏

先一日大赦

巍巍功德在峻極

孰爭高

其十一

地久天長運河清海晏期九如爭獻頌三祝竝摛詞謨

陋叨 殊遇顓愚仰 聖慈自慙同小草依托 上林

枝

其十二

新荷西苑作

幾處葉田田池塘未吐蓮托根來 上苑濯質自清泉
扇拂煙波動珠承雨露圓魚知游泳樂爭聚畫橋邊

三月二十六日分賜 南書房入直諸臣瓶中
牡丹臣慎行得鞞紅一朵恭紀

扶桑初旭暎瞳矐聯步晨趨入直同 紫闥恩光連上苑
彤廷芳氣襲東風人來漢殿鶯花候春在 堯天
雨露中五色雲端親捧出仙葩爭看一枝紅

四月初四日 殿廷對策恭紀

朱衣前引向 彤庭黃紙封頒出 御屏仗外煙霞成
化雨是日午後微雨螭坳燈燭聚星天人理要窮三策章句

敬業堂詩集卷二十九

共

儒多守一經不是 皇仁均造物搏扶容易徙南溟

初七日 太和殿傳臚恭紀

九霄臺閣九重城臚唱親聽第四聲余名在二甲第二 自比蓬

麻資灌植羣欣燕雀荷生成雲開闔闔趨冠珮風過江
湖識姓名宋劉季孫詩日出唱君名姓春風吹過江湖 從此酬 知須努力

勉承鞭策赴王程

初九日 恩榮宴恭紀

竊祿官廚已半年余自去年十月奉召入內廷紅綾重對曲江筵生

逢 聖代誠何幸老傍科名又自憐杏葉鞍杏園同駐

馬雁行雁塢總隨肩綠槐樹底叅差影猶記花黃六月
天禮部廳事前槐陰特茂諸進士宴席分列其下

恭和 御製初夏新晴較射

淑氣迎新夏 華鷗出曉晴 隔花初樹鵲穿葉不驚鶯
月滿開弓勢風高應羽聲誰知 聖人意耀德本無爭

十五日 保和殿引見 欽授翰林院庶吉士

恭紀

蛾眉班押候 臨軒未有涓埃報 至尊特許奏名來

玉陛不教待詔老金門文科報國慙臣分宦牒同朝戴

王恩臣胞弟嗣璫翰林院編修族姪昇左春坊左諭德 葵藿有心知向日願從

瑤島結孤根

十九日 午門賜鈔恭紀

頻垂旅橐走關山一第俄登蓬閣間遂有朱提分 少

敬業堂詩集卷之九

七

府頓令寒士動歡顏 宸章舊沐華縑重去冬在德州蒙賜御書

程子視箴 寶硯曾叨綠玉頒今年正月蒙賜砥石山綠硯 今日眾中還

拜 賜殊榮稠疊冠清班

二十日 文廟釋褐恭紀

數仞宮墻霄漢連兩楹俎豆故依然曾陪鼓篋三千士

重到橋門二十年余自甲子五月入國學肄業 末學豈增科目重非

才特荷 聖人憐較他儕輩蒙 恩早獨在青衫未換

前

二十一日赴 暢春苑謝 恩恭紀

初著宮袍拜 禁林碧梧翠柳望成陰可知 聖主裁

培意即是天工長養心千頃池邊看鼓鬣萬年枝畔聽

鳴禽從來日月無私照一物舍光感自深

送高江村先生南歸即次紀 恩六章原韻

物望羣瞻進退間先生風度杳難攀神仙骨勝留侯健
帷幄功高李泌還却眺白雲懷子舍長憑金鏡駐恩顏

鮑照詩孤景留思顏君臣名分家人誼禮絕平時供奉班

承明出入兩周星紫炁遙瞻傍九靈一代龍門示模楷
同時虎觀奉儀型賞留瓊島看花宴道在青箱授几銘
連日宣傳尤絡繹 天潢舊學重傳經

家書天上喜開函無恙春風報布帆人以新陰艷桃李

天教晚節護松杉一門四世皆餘慶時遇 覃恩正一

地封四代公方養母乞歸 得邀 恩例實異數也八座三年特改銜去任到公

敬業堂壽集卷二十九

六

真綽綽 王恩前後總非凡

西苑門東竝歇鞍自聞高唱和皆難疎簾捲雨吟紅藥

畫閣傳香賦牡丹以上皆記同 直西苑事一字褒增華袞重萬間

廣被布衣寒江湖不放滔滔下有力能迴既倒瀾

丹梯百級上 丹墀獨藉文章結 王知去國光陰移

綠鬢向陽花木發華滋 奎章再錫歸裴富 優詔頻

頒飲餞遲此意旁觀猶感涕那教身受不生悲

曾聽邸舍話 金鑿敢望天衢振羽翰門外忝隨新立

鵠巢痕猶認舊棲鸞 恩濃晝日看三接夢繞鄉園感

百端直擬臨岐論後約好收朝跡共追歡

四月二十三日 分賜西苑入直諸臣 御書

扇臣慎行得 聖製泊舟惠山詩恭紀八韻

珍重傳宮扇輝煌徧直廬 賜當清景下頌及午風餘

應候知開闔無塵待掃除未秋涼已襲纔夏暑先驅

駐蹕留佳咏分行灑 御書恍疑泉到耳真覺翠浮裾

墨氣生濃淡煙光動卷舒終身懷袖裏長似拜 恩初

謝 賜玻瓈眼鏡二首 五月初一日

玉比晶瑩鏡比圓一時披豁覩青天明珠吐暈泣沙外

燭火分光日月邊名紙尚堪題細字秘書仍許對新篇

此生視息真何幸雙眼摩挲敵少年

霽月光風在 紫垣海西佳製

賜頻煩 漢書注鄭重猶言頻煩也

潭空秋水清無底壺貯春冰薄有痕絕勝金鏡除胞膜

敬業堂詩集卷二十九

十九

不須藜杖照黃昏曾經隔霧看花後老戀餘光盡

王恩

端午日西苑 賜饌恭紀

天上天中節初晴景物鮮榴含將放蕊葉擁未開蓮菰

黍縈宮綫 先一日賜糗 蒲觴撤 御筵 恩波真不淺長傍

鳳池邊

賦得夢破蓬窗雨 奉 睿旨不用應制體

明燈初炷酒微消倦枕扁舟夜沈寥楓葉橋邊看漠漠

蘆花風外聽瀟瀟一天雲氣沉孤雁兩岬灘聲長暗潮

喚醒江湖十年夢起尋歸路尚迢迢

題少宗伯孫樹峰前輩扇頭榴花

丹砂染出鶴頭紅
畫稿移來禁苑中
似與天工諧暖律
年年開候應薰風

王麓臺前輩爲余畫扇自題其後索同直諸君

和

萬樹鳴蟬水一隈
西山驟雨過輕雷
看君老筆如并剪
割取浮嵐暖翠來

潞水歸帆圖爲諭德姪賦

日長如年暑未徂
丁丁晝漏傳宮壺
直廬直伴一事無
開卷示我歸帆圖
三竿秋水六幅蒲
小船放溜如飛鳧
浪花遠吞丁字沽
綠楊拂岨交紅芙
舟中之人疑可呼
掉頭徑欲歸來乎
君恩未許賦遂初
田園有路去尚

警業堂詩集卷二十九

二十

紆作詩聊取償宿逋
勸爾且勿思蓴鱸

瀚海石歌奉 旨作

瀚海出國門
亭埃萬有餘
君王神武勤遠馭
伐叛特欲安邊隅
歸來玉斧畫大渡
屬國東西一都護
羈縻不設甌脫間
何者能邀至尊顧
異哉有神物
產自此海濱
遠從開闢混疆礫
直到海底今揚塵
女媧補天煉五色
散落人間人不識
年深道遠莫致之
瓌寶仍爲天上得
禁林過雨山蒼然
綠窗窈窕生紫煙
越羅蜀錦開
什襲詔許重陳玉
案前內官捧下
通明殿耀眼平生
驚未見碧柝奇氣
蓄風雲銅缺飛芒
繞雷電七星挂
斗何煌煌六十四
象隨圓方綺霞縠
霧錯采章白鉞自

白黃琮黃或如荔垂枝又如榴拆囊或如鏡留影又如
芝植房或如犧牛角繭栗或如蝦蟇入月領願張或如
青螺或紋蛤或如馬肝止血瘰膏盲或如珊瑚出網丹
出鼎松脂出地琥珀凝堅光賦形寓色靡不肖化工之
巧盡洩無留藏臣聞積水類生石瑟瑟波搖紅韎鞞潮
淘汐戰廉角平蜃吸鰲吐光怪發黔中白鷺洲貴州思
南府有
白鷺洲文文登彈子窩在登州蓬萊閣下
海中見蘓軾集偶披千萬遇
石絕佳
什一毓秀孕靈能幾何孰如此石來自遐荒外磊砢英
多殊可愛攜來共指前席珍采處曾蒙後車載石兮石
兮汝豈無知空抱質顧盼 恩深同剪拂回思萬古委
泥沙方信 聖朝無棄物

敬業堂詩集卷二十九

三

寄祝汪韋齋年伯七十壽時官鞏昌郡丞

宦跡中經四郡移姓名曾達 九重知神仙路指青牛

道風月吟寬皓首期愛酒每傾鸚鵡盞生兒多集鳳皇

池謂武曹文
升昆季頭銜特爲 貶封換歷守還 朝算未遲

奉 旨免赴教習廳賦呈院衣揆公

第二廳前逐隊過北岸咫尺接鑿坡 詔恩已免春秋課

館職猶充弟子科顏魯公詩魯國
今從弟子科變白果能生黑否少陵
詩余

髮喜却變白 出藍其柰謝青何北史李謐傳初師博士孔璠
後璠還就謐請業同門生語

云青出藍藍謝青師何常在明經 回思東閣傳經地老廁門墻媿自多

敬業堂詩集卷二十九

敬業堂詩集卷三十

海寧查 慎行 悔餘

隨輦集

起癸未五月抄盡十二月

元時避暑灤京百官皆有公署今惟詞臣數人耳

癸未五月 大駕將幸山莊先十日傳 旨南書

房翰林六人俱著隨行六人者諭德臣昇編修臣

廷儀臣名世庶吉士臣灝臣慎行臣廷錫也臣壯

履自請隨班亦預焉始而行宮檢書既而圍場觀

獵往返計百二十日每有所作輒呈 御覽附以

入冬後詩共為一卷

將隨 駕往口外避暑蒙 恩賜紗葛衣二襲

敬業堂詩集卷三十

恭紀

垂柳陰中晝卷幃微軀宜稱襲 恩輝行穿碧水丹山

路先 賜含風疊雪衣杜甫端午賜衣詩細葛含風軟香羅疊雪輕涼逐水

絲分繭館香隨葛越出星機序更不用愁刀尺預算秋

深扈 蹕歸

五月二十五日隨 駕發暢春苑晚至湯山馬

上口占四首

雨餘沙磧淨無泥瓜蔓秧針綠滿畦共識 君王愛民

意村村駐輦看扶犁

閒按輿圖考地名承平畿甸古長城昌平山水記長城齊天保二年所築

詞臣頻日承宣喚 特許班隨豹尾行

軍裝小隊走弓刀
年少曾親鞍馬勞
老去承恩還自媿
重蒙天上賜征袍

炎景當空日正長
潺潺湯峪水如湯
泉源萬斛皆天澤
化作人間六月涼

是日赴東宮召觀灑
睿筆口授書法兼蒙

賜扇恭紀十六韻

天縱儲君聖英資
曠古奇毓成龍鳳
德學本帝王師
几硯無他玩宮庭
脩幻儀就將猶勉
勉敦敏倍孜孜
鶴禁時多暇鑾輿
出每隨幾曾疎筆
墨直是好文辭
羲畫傳家法堯章
煥不基書多呈御
覽恩許侍臨池
訣發千秋秘工兼
八法宜銀鈎光絢
爛金璫象紛披
腕力由神運心源
絕仰窺難窮惟贊
嘆過望是榮施
寶篋承華重仁風
被物慈述書徒續
賦應教愧成詩
朝爽襟先挹秋涼
袖早知驪珠長在
握宸翰並昭垂

一月前蒙皇
上頒賜御書扇

賦得綠樹陰濃夏日長
二十六日
講官題臣亦擬作
御試

高倚層霄俯映池
綠陰陰處日遲遲
晴穿密葉蟬初翳
暑薄交柯鳥未知
曲徑煙分蒼蘚潤
重樓人靜畫簾垂
炎曦只隔深林外
似戀清幽不肯移

二十七日隨駕發湯山

涼殿東來御路平
金輿八襲正徐行
雲從萬疊峰頭出
風逐千群馬尾生
甘澤祇應歌盛世
醴泉何用草新銘

抽毫進牘，慚臣職納鉢親隨第二程。

懷柔道中遇雨是日 駐蹕密雲

七渡河邊過綠旂，坡坨高下入檀州。午陰側帽消朱夏，

細雨垂鞭似早秋。地險一軍資障塞，開元要畧云密雲燕之邊陲管障塞

千軍五時清三輔奉宸遊，音庠音奚父老爭扶杖隔歲重

攀翠輦，方輿紀要後漢曰僞奚魏皇始二年置密雲縣治提携城臣按續通典檀州密雲縣

即漢庠奚縣舊治僞奚與庠夷音本相同魏書遂譌為提携當以漢書為證

賜觀 御書大學經傳恭紀二十韻

昭代文明啟吾皇，政化隆熟精洵理大闡聖賢功。

胞與周民物幾康，謚始終一經神默契十傳語全融堯。

典推明德湯盤視，被躬孝慈為世則好惡與人同異說。

敬業堂詩集卷二十

三

歸淵鑒群儒仰折衷，欲令聲振鐸端賴筆抒虹心法。

由誠正書源本貫通學難窮，秘笈勤不輟行宮滌硯龍。

窺沼揮毫鳳舞空，淋漓雲氣外披拂柳陰中。星斗天垂

象山泉，帝發蒙教傳先。胄子前一日書成先賜 東宮展閱寵示

逮臣工偏黨消皇極，維持長士風頌應徧豐序澤。自被

西東，睿藻光何煥。王言義必充，卷終有御製跋語道宏該

創守力厚闡鴻濛，義畫傳同遠。箕疇演並崇，煌煌治平

業萬古照蒼穹。

登密雲城樓

第一封畿此要衝，兩城宛轉合長墉。風生溫谷油油黍，

黍谷在懷柔漲走潮河矯矯龍。井底炊烟沉石匣，天西密雲二縣界。

積雪射居庸志稱居庸為冷關積雪盛夏不消八荒戶闥今同視笑說

石匣營

已廢金溝館猶存石匣營濛濛空翠裏細雨濕霓旌

恩許扈 蹕諸臣戴草笠

臺笠都人制黃冠野服姿直疑雲覆頂不怕雨催詩涼
燠俄能換陰晴兩自宜從臣齊戴德美蔭荷 皇慈

過南天門初見邊牆明徐武寧所劾戚少保重修者也

勝國留遺築危梯極望收萬峰乘障起一水入關流形
勢當全盛邊牆免歲修太平輸鎮將裘帶取封侯

敬業堂詩集卷三十一

四

柳林喜雨呈同僚

高柳垂陰漸近關地在古北口南三里炎蒸疑在有無間解衣脫

帽 君恩重下馬分題客况閒枕底雷生南澗雨城頭
雲起別州山朝來擬草甘霖頌才短羞隨供奉班

六月初四日扈 駕出古北口

太行蜿蜒二千里七十二均連首尾東趨遠碣西冷陁

留幹一門屹中壘古北口一名留幹嶺見金史巨靈擘石如擘雲雲

根俯插黃花軍烟氛突過掃無迹風雨欲來天半聞出

關彌望神州壤 六飛清暑頻來往高墉已斷山不斷

無數芙蓉列仙掌川迴岡轉輦路長涼亭舊驛今村莊

元時避暑沿路多涼亭賜東西涼亭軍士糧鈔見文宗本紀帝獵北涼亭見趙世延傳明洪武二十七年置古

北口十四驛猶存
禽魚共識
天顏喜草木中含
御
東涼亭驛之名
氣香小臣多年客
燕代夢想何曾踰
紫塞自詡遭逢老
更奇停鞭飲馬長城外

塞外山

已被雲遮百萬層
又從雲外見峻嶒
翻緣山好添惆悵
未得峰峯策杖登

兩間房直廬作

隨班番直又晨興
金鑰銜魚轉數層
延閣日長無箇事
坐消清簟一壺冰

初六日奉

旨編輯歷代咏物詩恭紀四首

宣文小閣秘圖書

延閣圖書取次陳元周伯琦咏宣文閣詩句

雲霧牕中點

敬業堂詩集卷三十一

五

勘初 聖主不曾遺小物
莫輕爾雅注蟲魚

儷白駢青句已陳
篇章何處發清新
盡携中秘隨行笈
三篋何煩默記人

日日珍羞出大官
雉羹魚糝水精盤
丹鉛未是酬知地
聊與風人解伐檀

曾披圖籍考山川
聖訓真同象緯懸
文選樓高重拜
命敢同輕薄議前賢

初伏日 睿賜時果木瓜酒恭紀

帳殿爐烟合周廬
霽景長人間
正初伏塞外已新涼
珍果當筵 賜芳醪洗盞嘗
恩波承少海一勺詎能量

行過青石梁

天豁新開嶺鸞旗曉向東古藤攀石度絕壁過雲通鳥
啄槐花雨蟬嘶榭葉風林巒行不盡長在畫圖中

駐蹕鞍子嶺連雨驟涼

複磴中涵金碧姿小青山外蹕初移愛迎嵐翠晨趨直
貪傍燈明夜咏詩泉脉曲通行帳外雨聲渾似滴篷時
水晶宮殿清涼國傳語人間總未知

賦夜光木

積水生神木俄登几案旁四時無改火五夜必騰光近
暎藜輝淡遙分桂魄涼頓教虛室白臨卷勝螢囊

御賜武彞芽茶恭紀

幔亭峰下御園旁武彞山下有御茶園元時貢茶地名貢入春山採焙鄉

敬業堂詩集卷三十

曾向溪邊尋粟粒薛軾句武夷溪邊粟粒芽却從行在賜頭綱雲蒸
雨潤成仙品器潔泉清發異香珍重封題報京洛可知
消渴賴瓊漿

連日 恩賜鮮魚恭紀

銀鱗金鱗照坐隅烹鮮連日 賜行廚感踰學士蓬池
鱸唐時學士賜食蓬池鮮鱸味壓詩人丙穴腴元虞集詩魚藏丙穴腴素食餘

慚留七箸加餐遠信慰江湖筮簷蓑袂平生夢臣本烟

波一釣徒陸龜蒙詩笠簷蓑袂有殘聲

送勵南湖前輩奉 旨歸省尊甫少司寇公病

橐筆經時共直廬何堪絕塞唱驪駒乍看請急情辭苦
特許還家 恩遇殊客夢不離丹嶂遠鄉心已與白雲

俱最憐一掬酬恩淚并爲思親灑路隅

塞外蝴蝶應宮令東

羅浮仙種幾時來金粉天生不染埃忽見一雙同照影
始知隔水有花開

十六日五更隨 駕發鞍子嶺行至三道梁天

始明

金壺虬箭響登登霽月流天景漸澄谷壘一重環翠幙
雲移雙仗識紅燈風輪暗激飛梁轉松頂遲看旭日升
滿篋纖絺長什襲此來何處有煩蒸

十八日 駕幸釣臺召臣等隨行 賜膳釣魚

恭紀七言絕句八首

敬業堂詩集卷三十一

七

插天碧嶂起芙蓉路轉潺潺又幾重百頃風潭雷雨過

萬魚啣尾候真龍

高臺俯瞰樺榆溝指示灤河最上流記得銀絲鱸鮮鮑

欣從塞外識源頭已刻上御樓召臣等五人至臺下指臺下流水諭曰此灤河上流也

魚藻池邊 輦路平直隨仙仗到蓬瀛官廚初飫紅蓮

飯 御饌仍分碧澗羹午刻賜御饌紅蓮米飯柳根魚羹

芳餌循環下釣筒絲緡長日侍 青宮烟蓑雨笠尋常

句慚愧猶蒙記憶中午後奉旨翰林諸臣赴皇太子行幄釣魚臣前謝賜魚詩有臣

本烟波一釣徒之句東宮舉以示近侍并記以志愧

山莊一帶並河孺人衆如魚盡力田要與周詩占吉夢

早開場圃待豐年

一條羅帶水拖藍只少漁舟着兩三滿眼丹青輸畫手
鶯聲柳色侶江南

文鱗躍處起漣漪水族沾 恩感聖時不是網罟施不
得爲留餘澤及鯢鱖

佳名原自柳根來

魚名柳根赤蓋柳根之色
赤此魚好斲柳根故名

釣得仍將

柳貫鯤分賜詞臣三百尾揮竿騎馬雨中回

賦得遠色有諸嶺限二蕭

應東宮令

誰寫丹青向碧霄參差入望勢徧遙烟光澹處疑無樹
日氣生時似湧潮飛鳥不能踰嶂外橫雲只許抹山腰
分明有路行難到知隔天台第幾橋

二十日 行殿召對出至直廬內侍復傳 諭

敬業堂詩集卷三

八

臣 慎行云汝子在東鹿縣居官甚清朕已稔知

感 恩述事恭紀二首

已注金閨籍仍叨顧問榮 睿容瞻肅穆 天語聽分

明轉益臣心懼難窺 聖學精行宮清秘地不異侍延

英

釋子慚民社能忘舐犢私未成期月治驚荷 九重知

清白原家法生成仰 聖慈家書連夜發矢報勉捐糜

恭和 御製立秋喜霽

聖主如天惠澤周與民同樂每先憂歸雲夜散簷頭雨

沃土人畊化外州野鶴報晴初憂憂良苗入望已油油

詩成共識 皇情豫白藏新占歲有秋

恩賜佛手柑恭紀

鈞籠珍重貢炎方，羅帕玲瓏照玉堂。
縹蒂經時猶帶綠，芳苞映日已全黃。
長隨錦荔迎涼到，遠勝新橙透甲香。
別與傳柑增掌故，立秋時節賜山莊。

磁瓶草花

澗草巖花摘小叢，磁甌水愛青紅不。
教開落塵沙畔，只似栽培雨露中。
映壁數枝開曉日，入簾雙蝶帶西風。
誰將蟋蟀籬邊景，移向灤河避暑宮。

秋海棠

小紅低映綠窻紗，昨歲開時正別家。
白髮滿頭還自笑，塞山六月看秋花。

敬業堂詩集卷三

九

奉和 御製宮覽寺七言絕句敬次 上韻二

首

清磬和泉隔岸聞，蒼松翠蘂散氤氳。
不知四面山重數，遙指爐烟是碧雲。
寶翰留題昔未聞，麝煤龍餅氣氤氳。
祝釐老監今頭白，特起香臺貯彩雲。

陳潛齋前輩分餉柿子酒

小榼遙看走馬軍，微風先為送奇芬。
行廚洗盞湯初老，隔慢呼燈日漸曛。
尚想青黃垂野徑，忽驚紅綠眩微醺。
東坡詩醉眼眩紅綠

七月初五日 賜食蜜漬荔枝二首

嶺外未曾嘗小綠閩南猶記擘輕紅石屏詩新來嘗小
綠少陵詩輕紅擘

蠟封蜜漬味全融秋暑初迴却扇風領取一襟冰雪意
白銀盤映荔枝紅

蒙古貢馬

蒲梢不拒諸蕃貢印烙新加毛骨殊斂却霜蹄行駕鼓
爛如雲錦看成圖駒駝廐應房星上首舊園開瀚海隅
不比無羊歌考牧聖朝馬政在攻駒

七夕喀喇火屯雨後作

雕霧鷹風漲沈寥一天秋意頓蕭蕭彩虹截斷遠西雨
飛入銀河當鵲橋

敬業堂詩集卷三

十

賦野杏根

古根埋不爛搜剔豈能辭斑剝舊苔蘚槎牙新菌芝乾
坤無棄物研席得竒姿自有天然質何煩斧鑿為

裕親王挽詩二首

奉
旨作

禮絕三公上親為萬乘兄分忘敦棣萼卹賜備哀榮

傍邱愁雲結回鑿淚雨傾時上駐蹕塞外聞
王計即日回都哭臨桐陰

留畫像存歿感皇情上常命畫工寫御容與王並坐
桐陰下蓋取同老之義平居友

愛如
此

尚覺春秋富俄驚泉路長友于歸聖主文獻失賢王
海濶星沉象天空雁斷行舉朝哀挽切感動為宸章

雙塔峰歌

灤河之水鳴淙淙晨光欲透草木菊千巖浮動萬壑充
十里霧濕三花髮陽烏展翅烟攄虹倒射石壁紛青紅
中有兩峰迥不同向人騰躍比祝融厥初生時誰所鑿
分而為二疑靈霽自從巨斧開鴻濛勢欲復合難彌縫
小者為霍大者宮前高後亞兒隨翁其顛石笋各卓空
如窳堵波剗圓穹其旁老松垂雄葱雨露已費千年功
初從南麓瞻崇隆恍然御氣乘罡風青天一碧懸雙蓬
仙舟出沒波濤洪形隨徑轉日在東併作高柱孤隴崐
首末稍斂中微豐異哉三竅何玲瓏下空一門拆崕峒
中央一綫星光通最上一穴磨青銅團團皎月非朦朧
洞貫腹背豈羿弓誰與人力爭天工須臾位置移忽忽
左右互易驚愚矇漸行漸遠漸不窮回頭依舊藏霾霧
我思佛力大且雄舍利所在塔層崇十方照耀開盲聾
僧伽興廢會有終豈如茲山婉華萑魏我俯闢荆榛叢
綿亘古塞接螭螭劫火不壞况兵戎地雖僻左秀獨衷
昔名未彰今始蒙吾 皇盛德邁帝鴻盡攝六合歸牢
籠年年雅詩賦車攻山莊近在封域中已獲顧盼邀
重瞳何須秩祀偕三公小臣作歌達 聖聰特與此石
慶遭逢

塞田雙穗嘉穀恭紀

屬車到處瑞微竒嘉穀俗呼小米子欣看燕尾垂異畝比禾
皆九穗連畦如麥總雙岐澤流膏雨珠兼玉譜入幽風

畫亦詩從此康年豈勝紀太平 天子是農師

蔣酉君為汪紫滄畫菜索題

君昔養親惟小園白菘紫芥供晨昏君今已食大官餼
夢寐何曾忘此味秋來見菜應思鄉蔣家三徑吾求羊
玉堂雲霧看落筆中有故畦風露香

二十七日發熱河

耿耿疎星曉泠泠白露秋是日白露節老松經燒斷頑石隘

溪流草苦沿籬屋人騎渡水牛塞田霜氣晚七月已全

收曩時塞外六月已寒黍稷少熟今年七月杪尚未作霜故莊田倍收

八月初六日發唐山營初入蒙古界

興桓左界接遼陽千里中開雉兔場邊戶生涯資射獵

敬業堂詩集卷三

三

天家旤脫變畊桑風馳屬國東西尉化被諸蕃部落王
豐草長林皆禁籞遙看直北是龍荒

度汗鉄木兒嶺

一林榭葉一林楓半染青黃半染紅只道平沙隨地濶
忽開絕境與天通水霜氣候陽和裏金碧山川指顧中
緩轡不知林壑險殊榮孰與六人同嶺路險仄特命侍衛導臣等前行

初十日發擺波喀口

寒色馬破碗重裘怯不勝嚴霜如薄雪細水作輕冰蓄
部三千帳圍場百萬層遙看射生處旭日正東升

十一日 駐蹕巴林朶斯臺 上於附近山中

行圍 賜臣等全鹿一隻恭紀

雉尾雞翹曉望分旌旗高捲萬山雲威加草木秋行令
禮重羆腰書掩群從獸總歸司馬法 回鑣如策凱旋
勳只慚未効三驅力拜 賜長先七校軍

額勒蘇臺聞雁有懷德尹時聞弟乞假將出都
一聲哀響落秋旻列幕燈明夜向分倦枕何人還不寐
望鄉有客最先聞路長遠海霜前月天偏陰方雪後雲
附爾封書須早達人間兄弟有離群

十二日 駕幸額勒蘇臺大獵 召臣等觀圍
恭紀七言長歌一首

聖朝雄畧彌宇宙四海爲家同在宥行宮直過大青山
纘武年年寓巡守川原蕃膺少甌脫邊障清寧罷烽堠

敬業堂詩集卷三十一

三

盡收種落當郊樊大展岡巒作靈囿涼秋八月商飈發
霜氣凝巖氷未溜朝來下 詔大合圍草淺林疎宜往
狩三千虎旅移前帳十萬龍驤出華廐竒毛箇箇五花
文表貉揚旌徧巖岫層層葉幄絢紅紫面面山屏圍錦
繡前行十里雪初晴千步塲如築新就遙看數騎林西
麓畫裏依微人比豆雁行齒序列後先魚貫班聯隨長
幼綿綿翼翼遠不斷整整斜斜近相湊須臾旋繞山之
東觀者同時盡迴首舉鞭初可一二數錯落星文排列
宿長松冠嶺嶺揷空人馬從空俄下走呼聲幾處震虛
谷驚起雕翎落飛狄此時已有鹿斯奔闌入圍塲孤引
脰東眺西顧迷所向首鼠張皇等鼯鼯魚麗鶴翼項剌

成變幻圓方詎能究陣圖本是丘井法旌立和門嚴介
胃合圍漸緊壤漸平匝布叢攢勢相繆不知鹿羣何處
來俟俟僊僊紛邂逅麇麇麇麇麇麇麇麇麇麇麇麇麇
麇希間偵伺前復却防內怔惶駭而驟渴舌長如飲澗
垂野心思突重圍透天威奮武臨咫尺頓轡齊鑣不
容竇神機獨握舉大綏衆志成城鹿為鏃虹流電掣忽
飛鏜月滿弓開胥入殼逸足公然帶箭馳先聲所至隨
弦仆一人獲雋萬人歡群祝君王千萬壽大昭旋
輶不盡發餘勇猶浮袞龍袖網開一面頌皇慈節
應騶虞叶仁獸雲收霧捲圍乍撤萬騎如風散晴晝小
試真同掃塞氛盈庖豈獨充飮餽觀兵耀德典彌崇行

敬業堂詩集卷三十一

十四

賞班餘功孰懋竊聞上古有大甸秋獮相傳本由舊青
丘自欲吞雲夢吉日先須卜庚戌漆沮甫草偶于畋悉
率從王惟左右今之健兒千三百來自諸蕃踰尉候大
共一千三百人皆出蒙古喀爾沁與諸部落期門將士但旁觀山立何曾技
輕奏此皆至尊善撫馭同軌歸誠車輻輳國家恩
澤浩如天蕃部寧非天所覆自然忭舞群用命王用三
駟此其又車攻寧數小雅材羽獵應嗤西漢陋矢詩橐
筆本臣職况著征衣隨短後雖慚無力効爰鋌盛事千
秋幸親覲

中秋節 恩賜月餅時果恭紀

列幕周廬白似銀中天夜氣肅鉤陳 皇衷尚感團圓

節時因俗親王未
卜奠停止筵宴禮賜偏優侍從臣宮餅堆盤隨月彩
御園分果得時珍回思瓜豆田園味老去驚看節物新

是夜角火羅對月呈掌院揆公時奉使朝鮮初

還

年年別裏逢佳節今夕班荆又一奇玉兔銀蟾新 賜

餅

是夕御賜大小月餅皆
飾金彩宮殿為蟾兔之形

錦囊珠笈舊題詩烏桓露

警三更夢碧海槎回八月期記取勒蘇山下路霜花壓

帳話高麗

十六夜撒勒巴爾吉對月

十分月到今宵滿一半秋從昨日過前一日
秋分路轉溪山

鳴鼓角天垂障塞繞星河不愁織女機絲濕自咲姮娥

敬業堂詩集卷三

五

白髮多殘醉易醒宮漏永青綾無寐欲如何

十九日度生吉兔嶺

翠屏丹嶂四成圍見說前岡雉兔肥山下忽逢沮洳水

蘆花如雪馬頭飛

二十五日曉發舒庫里口

曠曠初日上天東一片秋光照耀同好是萬株紅葉滿

已經霜後未經風

二十六日扈 蹕至興安嶺有 旨命臣等登

絕頂遠眺恭紀七律四首

崇岡斗起杳難攀翠屢華旌歲往還六合一家寧恃險

九邊三面總無關龍沙展勢提封外鳥道盤空霄漢間

詔許重登峰頂望始知高出萬層山

忽開眼界向層巔指掌圖成立馬前東走陪京山委浪
北踰瀚海地黏天牛羊白散千屯雪草木青回萬竈烟
四十九藩齊望幸呼嵩聲徹半空傳

甲帳辰旗紫邏長極天晴色辨微茫黃榆不斷庭方路
白日能消冰雪光獵騎嘶風爭北向野鷹隨雁亦南翔
西山蒼靄遙相接直似登臨在帝鄉

輿圖遠闢古興安鳳舞龍迴氣鬱蟠半嶺出雲鋪大漠
喬松落葉倚高寒嶺以北松皆落葉丹青不數東南秀俯仰方
知覆載寬萬里乾坤千里目欣從奇險得奇觀

大風下興安嶺

敬業堂詩集卷三十一

六

崇岡無樹朔風寒直下真從井底看知是向南歸路近
亂飛黃葉打征鞍

二十八日

駐蹕伊遜河源

上親射石熊以

熊掌 頒賜臣等恭紀長歌

千峰萬峰爭落木秋聲蕭蕭氣肅肅連朝纘武大掩群
殪盡山中雪斑鹿西風卷地餘怒號虎豹股栗豺狼逃
老熊何物敢自匿出林獨叫求其曹 天威赫業揚雲

罕搗穴直窮熊所館公然人立向人啼正值瑀弓彀初

滿皮毛與石孰比堅不聞射石石亦穿須臾三發三命

中搖尾大似求哀憐忽看趨捷如猿鳥騰上千年松樹

杪神機別以火器攻霹靂斜飛貫脰腦半空拗折青珊

瑚松耶熊耶墮地俱 皇心因材有生殺倔强那得逃
天誅雉飛兔走清林莽重馬馱來徧行賞驚性寧非恃
爪牙焚身至竟因踏掌馳蹏鹿尾猩猩唇舊傳此味配
八珍大庖祇合供 御饌榮施何幸加詞臣臣聞南山
之下渭水濱從禽搏獸空鋪陳賦家漫誇三十六終日
射侯原非真豈如吾 皇勇且仁除兇服猛胥躬親已
靖六合無纖塵山林兼使異獸馴他年珥管紀上瑞郊
數行見遊麒麟

賜觀紫騮

御馬恭紀十韻

御馬紫騮名牽來左右驚無疆全地道至健配天行出
應房星瑞時逢朔漠清風雲開萬里日月夾雙睛濶步
無谿塹深觀識性情馴良由駕馭神駿本生成往往從
蒐獮悠悠逐旆旌勢隨龍象蹴氣躡虎狼平按轡千林
肅回鑿六幘晴啣 恩何以報戀 主每長鳴

九月初三日

東宮行圍召觀殺虎恭紀

連岡若環斷若玦猛虎一聲蒼石裂千狐百貉走且僵
獨踞巔屹爲窟穴 儲君英武如吾 君六鈞親挽古
未聞年年侍輦出狩獵手搏奚止什伯群餘威所臨氣
先壓弓未離囊箭猶插星流一點綠沈槍刺虎真同捉
鵝鴨黑文白額光斑爛毛血映徹朱旗殷豐扛重馬掖
以至衝颺霍霍來陰山羽林奏刀技神速理解肌分同
破竹憐渠故是獸中雄特命留皮瘞其肉大哉利溥仁

人言麟趾原從聖澤論一片文茵常在 御半丘白骨
更啣 恩臣工侍觀咸動色殺物之中昭震德不知看
射向山南何似隨圍來塞北

初六日隨 東宮射獵蒙 賜全鹿野雉恭紀

十首

瑤戈豹韃導中央 特許詞臣列兩旁昨日山中親射
虎近前指與舊圍場

林深谷邃轉坡坨黃葉聲中掣電過一箭攔回飛走路
隨身數騎尚嫌多

蒼鹿年深雪作斑洞胸飲羽突希間別教羽衛追風逐
天馬如龍又過山

敬業堂詩集卷三十一

六

射雉仍開八札弓離披彩羽隨晴空欲知官笥長多少
五寸雕翎帶血紅

英姿雄略似吾 皇連日分圍獵澗岡赤豹黃羆皆進
御充庖一味不私嘗

一色明駝倒載來獵塵收處夕陽開翠屏萬仞紅雲外
別領旌旗小隊回

重輪長傍 紫薇垣侍輦歸仍侍寢門每聽雞鳴親視
膳豫遊原不廢晨昏

德脩才全左右宜家傳真得 帝王師萬鈞腕力強於
弩朝射貔貅夜賦詩

割鮮分肉快何如馬後捎來拜 賜餘今日塞垣親扈

蹕去年京洛正騎驢

平生未習穿楊技老去空存見獵心
慚愧書生叨異數
酬 恩無地感 恩深

重九雪後汗鐵木嶺觀獵二首

銀麀縞鹿挺噴岓重展圍場勢更寬
十萬羽林齊挾矢
只教六騎作旁觀

茸鱸螿蠊愛新霜每到登高必望鄉
誰料烏桓山外路

萬峯踏雪過重陽

前二日大雪

十二日 上親射金錢豹恭紀十八韻

朔漠回鑿候 君王罷獵時
忽聞山下豹正逐草間麋

詎縱顏行抗還將餘勇施
三駟爭効命七校復揚旗
金

敬業堂詩集卷三

九

鏃霜花淬飛龍電影追應弦疑樹鵠
拔箭已連毘直作
摧窮寇真如殪伏雌
右騶充上殺全質少微疵
狸首斑斑血
猫睛睜眊鬚雄粗縮蝟爪利善藏
雖自匿荆榛窟初含霧雨
姿氣曾吞虎兕力肯讓熊羆
緩死俄無路偷生詎有期
但令供獮狩猶得壯威儀
鎗桿風搖尾鞍橋錦冒皮
呈文留炳蔚取用及捐糜
師武當關險兵韜示象竒
小臣慚獻頌何異管中窺

十四日 駕發藍旂營乘舟網魚 命臣等沿

河騎隨 賜鮮鯉人各一尾恭紀

雪光晶晶山稜稜
千山映雪朝日升
灤河之水暖不冰
剡舟剡楫凌空去
三丈黃龍 帝親御川后
前駐風伯

助峽形漸束波愈清潛鱗帖帖何敢驚人聲不聞聞水
聲須臾船重 皇情樂御尾駢頭來繹絡八絃一張魚
載躍鯨鱮鯉鯉旨且多義不盡取收網羅滿渠新漲餘
天波詞臣拜 恩已無算復 賜紅鱗長尺半馬上携
歸萬人看

是日中途 命侍衛射虎復 召臣等同觀恭
紀

後殺豹先殺熊陰方凜凜生寒風先殺熊後殺虎積雪
皚皚暎强弩 君王威德彌寰宇坐致遐方歌樂土闢
田築室藝稷黍猛獸寧容此偏處爾牙如鋸我鋸鋸焚
林盪谷期盡殲溪東距溪西相望十餘里忽聞響應徹

敬業堂詩集卷三

三

山顛

天語遙傳順風耳

西洋人所製

六飛所幸成坦途

冥頑何物乃負嵎期門壯士能手搏奉令何異天行誅
天生 聖人能格物禱杌窮竒情狀悉耳端一缺戕一
人厥罪昭然何待詰自從殺此虎邊牧蕃雞豚自從殺
此虎莊戶長子孫黃熊赤豹同噬吞腥風掃盡無一存
小臣稽眼嗟未見談虎尋常色爲變此來快觀三害除
直似陪遊向畿甸

十七日度小青山

去日蕉衫暑雨收歸時急雪灑重裘重經司馬臺南路
紅樹連山正晚秋

入古北口

金支影轉翠微間萬馬驕嘶並入關
雉堞連雲軍角壯
虎牙憑險戍旗閒
西風漸老河邊柳
積雪田看塞外山
正是秋清好時節
六龍行狩扈南還

過牛欄山下二首

青山缺處吐孤城
行到牛欄路更平
一片黃榆綠槐影
白狼河畔作秋聲

白酒黃花興未違
一鞭新自塞垣歸
短裘衝過重陽雪
又向京華換袂衣

十月初十早入直蒙

恩賜帶數珠恭紀

星聯珠貫入承明

是日同直共七人

章服驚叨四品榮
一串牟尼呈五色
同時裘飾粲三英
循環豈易充臣數
祝

敬業堂詩集卷三

三

聖惟當轉佛名長
恐維鶉訖不稱也
如老馬錫繁纓

房師汪東山先生請假奉太夫人南還留秋帆

圖卷子命題敬賦四絕句

秋興賦罷賦閒居
首路爭看侍板輿
此樂季鷹渾未識
區區歸計爲鱸魚

一聲天上聽臚傳
小住蓬山已四年
來與鄉人重換眼

五湖別自有神仙

宦海茫茫詎有涯
急流幾箇赴歸期
霜前吾谷秋如錦

算是扁舟到岸時

一條清况冷水銜
十幅西風穩布帆
公去我留緣底事

擬因苦笋脫朝衫

用黃山谷語

題劉禹峯水邊行樂圖小照二首

風酣綠浪紅蕖雨洗蒼苔碧梧萬口詩傳京洛半生夢
落江湖

菱租舊輸甓社魚計新收白田隔浦三間書屋過橋一
隻畫船

雪後下直口占

徐躅禁中雪遠看城上山宮鴉巧相背晨出暮飛還

題許有介先生冊子

事出先賢傳名從獨行敦眼看耆舊盡心慕典刑尊逸
品傳書畫餘風付子孫淋漓浮墨汁中有不亡存

賀張志尹前輩生子

敬業堂詩集卷三

三

鄧藝馮經孰擅場乃翁才藻世無雙祝兒他日無多語
七歲能文似曲江

賦得深屋喜爐溫

應入皇子教

幾重簾幙幾重茵深掩紗窓淨少塵鴿炭燄紅寒漸減
鵲爐灰白煖初勻三冬不納冰霜氣一室能回天地春
應念五更騎馬出銅街已有趣朝人

題元人風雨歸舟圖

應四皇子教

遙山澹抹近山遮一棹飄然水一涯似有風聲隨雨到
忽疑雨勢受風斜白蘋洲畔年年客黃葉村邊處處家
身在畫中渾不覺却教人指畫圖誇

十二月初九大雪獨直南書房有懷陝西隨

駕諸君

雲海平鋪鈿砌寬
六花如絮點裘乾
金猊坐擁玲瓏石
玉蝶爭飛宛轉欄
雲護蓬萊長覺曉
樹當溫室不知寒
此時最憶隨鑿客
少室中條並巒看

前一日開
駕已涖中州

送楊遠卿之任武昌

去年訪君過維揚
今年送君向武昌
江湖不到塵土眼
遠夢夜落鳧魚鄉
洲邊芳草城邊柳
騎鶴仙人重出守
洞庭春水際瀟湘
大別青山橫汜口
烟花三月畫船開
王程不用敲鼓催
到官好尋陶吏蹟
歷郡正賴龔黃才
才多政簡無不可
列戟凝香但安坐
閒携賓從上南樓
倘有新詩應憶我

敬業堂詩集卷三

三

除夕前一日蒙 恩賜羊鹿雉兔鮮魚鹿尾上

尊諸品恭紀二首

山海奇珍鼎味充
上尊羅列歲時同
斑龍肥豸光相耀

彩羽文鱗澤並豐
頒賜例隨台輔後

自大學士張玉
書陳廷敬以下

被賜者凡十
三人臣與焉 謝 恩多在直廬中
一年濫竊官廚饌

素食能無愧國風

豐杠錦帕壓重重
節假歸沾 湛露濃
雕俎味新調翠

釜玉泉香煖拆黃
封鄉風未敢分僚友

蘇軾餽歲詩
亦欲舉鄉風家

祭先應薦祖宗却
為思親成感涕 君羹歸遺已無

從

敬業堂詩集卷三十

